

Arrpa' anaret ällöhuén allpon derechos ñeñt ë'ñe po'ñoçh yocop ñeñtçha' atet ~yepã'yena allohuéney acheñeneshay ama't errapãren arr patsro

Ahuat añ fecha 10 de diciembre 1948 ñeñt Asamblea General de las Naciones Unidas, ñetpa' quellquët ora allpon derechos ñeñt ë'ñe po'ñoçh yocop allohuénacpay acheñeneshay ama't errapãren arr patsro. Allochñapa' orrtachet añ ñoñets ñeñt ätet ãnaret ðerechos; ñeñtþa' ñeñtãra orrtetsa arr añ papllo. Allempo o' orrtachet añ papell ñapa' otyesan ora allohuén anetsoçhno ñeñt örrtatene Naciones Unidas, törretepa' attöçh epa'hua añ ñoñets errapãren arr patsro. Orrtachetepa' erracmañen allcha' lleya'yeset ora allpon pa'namen acheñenesha' arr patsro. Namã yechatyeseþepa' añ derechos ora allpon escuelachno ñamã ora allohuén anetsoçhno ama't errotëneta po'gobiernoret.

Ñeñt ~ñanom

Yapa' yeñoteñ ñerra'm yemneñ o'ch yeyçhena e'ñe cohuen añe patsro, ama yemneñe o'ch eñalleta ñeñtçha' yepatare'tene' ñeñt ~yoctën ya; ñamã ñeñt çha' ya'mçha'noçhtana'tenaya ama yemneñe o'ch orrta.

Ñerra'm yemneñ o'ch e'ñe pocte' es yepãna'ta ñamã ñerra'm yemneñ o'ch e'ñe cohuenmueche't yeyçhena añe patsro, añ poctetsa o'ch yeñotua. Attö ye'ñalletyesa arr patsro e'ñe attëcma cohuen yesherbã'yen allohuéney ñeñtëy yechã'yetsa añe patsro, amach eñalle ñeñt ~atsenatpo' entenet.

Ñamã allohuénacpay ñeñtëy arromñatëy e'ñe attëcma eñall ñeñt ~otenet derechos ñeñtçha' e'ñe cohuen yocshatene' añe patsro. Ñeñtþa' ama't eseshapa' amach puerratamþerryeto ama't errponaña. Tarraña yeñoteñ ahuatötëñ ñerra'm esempo acheñenesha'pa' ama esoye eñchete'të añ derechos, ñetpa' errotüanen pä'yesete't~po'potantañ ñeñt~tsena'tenet. Ñeñtþa' yeñoteñ yeyochro ama apãpahuoyaye. Namã yeñoteñ añ atarr cohuen allohuénacpay ñerra'm chap allempo allohuéney e'ñe cohueno'tsa'yeney arr patsro. Tärro'mar ñerra'm atet~yocsha'yena arr patsro amach es ya'mçha' - nochtana'tenaye, amach eñalle ñeñt çha' yemueroçhtatene'. Ama't allempo es yeños po'poñ ñeñt çohuen yenten ya, amach eñalle ñeñt çha' yote' eso'martë' peñen po'poñ cotãpñats. Ñerra'm yapa' yame'ñeña po'poñ ñeñt çohuen yenten ya amach eñalle ñeñtçha' yepatare'tene'.

Ñeñt ö'mar yeñoteñ e'ñe pocte' o'ch yene' ñoñets attöçh yeñotatanna'tyena ora allpon añ derechos attöçh allohuéney e'ñech cohuen yentannena allochñapa' amach eñalle acheñ ñeñt ~amuerochtataretþetsa. Allochñapa' amach orrtateneto atþarñats ñeñt ~atet~amuerochtatarettenet.

Ñamã yeñoteñ e'ñe pocte' e'ñech cohuen yamo'tstannena po'poñ acheñenesha' ñeñt yechã'yetsa po'poñ anetso'mar arr patsro.

Ñamã yeñoteñ allohuén allpon pa'namen anetso'marnesha' ñeñt örrtatene ñeñt ~otenet Naciones Unidas, ñetpa' ñeñtã e'ñe cohuen entenet ñet. Ñeñtö'mar ñet nenet ñoñets all quellco attö allohuéney arromñatëy ñeñtëy eñalletyetsa arr patsro e'ñech attëcma cohuen yesherbã'yen ñamã allohuénacpay attëcma eñall ñeñt~otenet derechos attöçh e'ñe cohuen yocsha'yena arr patsro allohuéney ama t coyaneshohuen. Ñeñt ö'mar ñetpa' añ e'nenet o'ch orrtatenet ñeñt ~cohuen sherbets allohuénacpay acheñeneshay arr patsro. Allochñapa' attöçh allo'na yesen

yenpanna'tnomtsa attöch yocsha'yena e'ñe cohuen arr patsro o'ch yechyen ñeñt~yepallta'yena ñamã amach eñalle ñeñt ~amcha 'nochšana 'tenaye, e 'ñech cohueno 'tsa 'yeney.

Ñamã yeñoteñ allohuen pa'namen anetso' marnesha' ñeñt ~orrtatene' Naciones Unidas ñetpa' net po'ñoñ attöch törä'yeset attöch ame'ñachet allohuen acheñenesha' ñeñt errapãro'tsa'yenet añ patsro, allochñapa' attöch e'ñech cohuen entuenet añ derechos ñamet; ñeñtãpa' allohuenacpuet e'ñech cohueno'tsa'yenet.

Ñamã yeñoteñ ñerra'm po'ñoñ e'ñech cohuen yetsotuer e'ñe atet yene' yeñoñ añ poctetsa o'ch yeñotatanna'ta añ derechos ñeñt ~allohuenacpay allochñapa' e'ñech cohueno'tsa 'yeney.

Ñeñtö'mar tẽ'pa'

ASSAMBLEA GENERAL ñeñtãra Naciones Unidas arrpa' orrtatenet

ORA ALLPON DERECHOS NENT ALLOHUENACPAY NENTY PA'NAMEY ACHENENESHAY. Allochñapa' attöch allohuen chöcmach yeyerpa'yena allohuen derechos ñeñt ~aquellcarettetsa arr. Ñamã chöcma yeychach po'potantañ attöch ñetpa'chö'ña e'ñech cohuen amcha na'tpo' entuenet ñamet añ derechos. Allochñapa' attöch ama't erracmañen arr patsro eñotueretcha' añ derechos ñamã po'ñoñ atetcha' cohuen yemorrentanna'tuerra. Ñeñtãpa' attẽpa'ch perra arr yepatsño ama't ñamã ora errapãren po'potantañ anetso'mar arr patsro. Attẽpa'ch perra allohuen anetso'marnesha' ñeñt örrtatene' Naciones Unidas ama't ñamã po'potantañ ñeñt~yenpuenet ñet. Allpon derechos ñeñt yechyen attöch e'ñech cohuen yeycha'yena arr patsro ñeñtãpa' añechño:

Cotãpñats 1.

Allohueney ñeñtey arromñatey attö ye'ñalleteya arr patsro e'ñe attẽcma cohuen yesherbã'yen. Ñamã yechyen allpon derechos attöch e'ñech cohueno'tsa'yeney arr patsro. Ñamã allohuen attẽcma yechyen alloch yoctãpe' chyen cohuen ñamã yeñotyen yeyochro ñeñt ã'ne pocte' enten acheñenesha' ñamã ñeñt ãma pocteye' enteneto. Yeñoteñ añ poctetsa e'ñe yemo'nasheñ yepãnnena ama't ora allohuen allpon acheñenesha' ñeñt ãñe patsro'tsa'yeney.

Cotãpñats 2.

Ora allohuen allpon acheñenesha' ñeñt ~añe patsro'tsa'yen, attẽcma echyenet añ derechos attöch e'ñe cohuen yechã'yenet arr patsro. Allohuenet attẽcma echyenet añ derechos ama't erra'tsentẽ' po'mñeñtsoret penet, ñamã ama't errotẽna orrtenet, ama't quelluareret ama't ñamã ñeñt ~huallama'tãreret, ama't coyaneshohuenet attẽcma echenet añ derechos. Ñamã ama't erra'tsentẽ' ñeñt ~po'yomporer penet ñamã ama't erra'tsen cotãpe'chyenet ñeñt ~cohuen entyenet po' gobiernocop ama't po'poñ poctãpñar e'ñe attẽcma echenet añ derechos ñeñt ~allohuenacpay ñeñtẽy arromñatẽy arr patsro.

Ama't ñeñt ~huocchañetets arr patsro, ñeñt ~ama es echyetso arr patsro ñeñt ~ama esoye' enteneto, ñetpa'chö'ña e'ñe attẽcma echenet añ derechos ñeñt ~allohuenacpay ñeñt ãy arromñatẽy. Ñamã attẽcma echenet añ derechos

ama't erra'tsena anets all yech'a'yenet ñamã ama't errotën po'gobierno echenet all pa'netsro. Ama't po'gobierno amčha'nochitana'tanetañ amapa' e'ñe cohueno'tsa 'yenet e'ñe attëcma echenet añ derechos ñeñt ~ allohuenacpay ñeñtëy arromñatëy arr patsro.

Cotãpñats 3.

Allohueney yechen derecho o'ch yocrrena arr patsro amach eñalle ñeñtčha' amičha'nochitana'tenaya. Elloña eñall ñeñtčha' yemoñenaya.

Cotãpñats 4.

Ama't puesheñarraya acheñey amach ataruasataretëye e'ñe attã. Amuepa'ch pomueñeto acheñ ñeñtčha' taruasatenet e'ñe attã, ama't errotëna.

Cotãpñats 5.

Ama't puesheñarra amuepa'ch amuerochtataretñeno ene attã, amach atserrpäretñeneto atet~ñerra 'mrratë' berr atserrpenet.

Cotãpñats 6.

Ora allpon leyes ñeñt ~anaretë'tyetsa allohuen acheñenesha'cop ñeñtřa' ñeñtčha' a'pocatyenahueta ama't puesheña'ttset ñerra'm esempo echyenet problema.

Cotãpñats 7.

Amach eñalle acheñ ñeñtëcop ama sherbeno añ leyes ñeñt ~atet ~anaret. Attëcmach yenpuenana ama't allohuen acheñenesha', amach eñalle acheñ ñeñt~ama amorrentaretëyaye. Ñamã añ derechos ñeñt ~aquellcaret~arr, ñeñtřa'čho'ña attëcmach allohuenacop ñeñtčha' moñenaya ama 't erra'tsena acheñer ñerra'm esempo eñall ñeñtčha' puerratamřsahuetañ añ derechos.

Cotãpñats 8.

Ñamã ñerra'm esempo esesha'pa' mueneneñ o'ch puerratamřsan acheñenesha' añ derechos ñetpa' e'ñe pocte o'ch e'nenet autoridades ñeñtčha' a'pocatterrahueta ñeñt ~atet ñanaret řo'leyes ñamã po'constitución.

Cotãpñats 9.

Amuepa'ch arrmataretñeno acheñ e'ñe attã. Amuepa'ch yottamřsesyeneto acheñ e'ñe attã. Amuepa'ch mueño ' teneto acheñ bãčhayo allcha' muerochitena.

Cotãpñats 10.

Ñamã allohuen acheñenesha' ama't esesha' ñerra'm esempo otteñe'charetñena ñapa' echenancha' derecho o'ch a'pocattater ñoñets e'ñe cohuen juezesho. Juezpa' e'ñech cohuen o'ch eñoch ñerra'm po'ñoch atet õ' pōhua. Amach e'ñe attã atserrpeñeto. Ñamã ñeñt õtteñe'charetñetsa juezpa' o'ch eñotach ñeñt ~derechos echen ñamã ñeñt ~po'deberes. Amach es a'nahua o'pateñeto ama't puesheñarra acheñ.

Cotãpñats 11.

Ñamã ama't esesha' ñeñt ~otteñe'charettetsa allo'tsen autoridades, amuepa'ch ahuen otatsteto autoridades añ acheñ po'ñoçh atet õ' pōhua. Añcha' ñanom e'mñoçhetepa' ñeñtçha' yenpuene' ñeñt ~otteñe'charettetsa. E'ñech cohuen acopã eñoçhet po'ñoçhtë' atet~o' pōhua. Ñeñtþa' atetçha' penet allo'tsa'yen shonte' acheñenesha', amuepa'ch a'nahua o'pateñeto.

Ñamã añecpuepa'ch coñchachet acheñ ñeñt ~atþare'tene' ñoñets ñeñt ~atet~anaret~e'ñe allempo. Ñamã ñeñt ~atet~anaret~ñeñtçha' atet~coñchachet acheñ ñerra'm atþare'chet añ ñoñets ñeñt ~atet~anaret~ñeñtäch coñchachet allempo. Amuepa'chña añe'na coñchateñeto acheñ ñeñt ~ahuatötēñ atet~petsa allempo ama eñalle ley ñeñt ~otets atetçha' sepã. Ñamã añach coñchatenet ñeñt ~atþare'tene ley e'ñe atet~anaret~. Amachña añe'na coñchateneto aton ñeñt ~ama attēye' anaretþena allempo atþare'tena.

Cotãþñats 12.

Ñamã ñeñt ~e'ñe yocpa atet~ñerra'm yepaquell ñamia yamo'tsesha' ñeñt ~parro yeyçhena ñamã allohuen ñeñt ~yechen ñeñtþa' e'ñe yocpa. Po'potantañpa ama pocteyaye o'ch be'tōset attōch o'patapretenyet ñeñt ~e'ñe yo. Ñamã amach asasaretpahuoyayye, ñamã amach asochatse'tpahuoyayye. Ñamã allohuen ñeñt~asasarettetsa e'ñe attã ñamã ñeñt ~asochatse'tarettetsa e'ñe attã, ñetpa' echenet derecho o'ch moñenanet añ ley ñeñt ~atet~anaret~.

Cotãþñats 13.

Ñamã allohuen acheñenesha' echenet derecho o'ch chope'chyaset ama't erra sechyenet allohuanen puen Estado alí yechenet.

Ñamã echenet derecho ñerra'm monenet o'ch salerret ama't erra'tsena Estadot ãma't ñerra'm muenenet o'ch salerret ama't ñet pue'stadotþa e'ñe pocte'. Ñamã echenet derecho o'ch çhacherret pue'stado ñerra'm esempo monenet.

Cotãþñats 14.

Ñamã ñerra'm esempo amuerochõtataretþa ama't puesheñarra e'ñe attã poctãþño'maret ñetpa' echenet derecho o'ch yeterret, ahuerret po'poñ anetso allcha' agaparetþerret e'ñe cohuen.

Tãrraña ñerra'm acoñchatarettet tãrro'mar o' muetset acheñ amapa' atþare'tet po'poñ leyes amapa' añ derechos ñeñt ~nen Naciones Unidas ñerra'm ñeñtēcop acoñchatarettet amach agaparetþeto po'poñ anetso.

Cotãþñats 15.

Ñama allohuen acheñenesha' echenet derecho ñeñtçha' pa 'netser penet.

Ñamã amach errotēnot þuerratampþseto acheñ po'derecho attō pa'netser penet. Tãrraña ñerra'm esesha' mone' o'ch yechã'huerret po'poñ anetsro ñeñtçha'pa'netser perr allempotēñ ñeñtþa' e'ñe pocte' ñeñtþa' po 'derecho.

Cotãþñats 16.

Ñamã allohuen acheñ ñeñt ~po'nare' ñerra'm muenen o'ch sena'ta ñamã

coyanesha' ñerra'm muenen o'ch some'ta, ñeñt̃pa' e'ñe pocte' ñeñt̃pa' po'derecho. Pocte' o'ch yoranna'tet attōch chemere'tet. Ama't esesha' muenats e'ñe pocte ama't erra'tsentē' po'm'reñtsoret penet, ama't erra'tsentē' ñeñt̃ pa 'netser penet, ama't erra'tsentē' po'yomporer penet. Ñamã coyanesha' attēcma echenan derechos ñeñt̃ ēchen yacmanesha' ñerra'm esempo o'ch some'ta. Ñama allponmat yoranna'tet coyanesha'pa' ñeñtēcma derechos echen ñamã ñerra'm sannerretpa' coyanesha'pa' attēcma echenan derechos.

Tarraña ñerra'm esesha' ama muenenaye o'ch yoran po'psheñeñ ñeñt̃cha' puerrollar pã' amapa yacma ama mueno ñeñt̃cha' puetāpor pã', pamo'mte'pa' amach errotēnot āpano po'psheñeñ yacma e'ñe ña po'huamencot ñerra'm coyanesha' ama mueneñe.

Ñamã ñeñt̃ yechetsa parro pa'pacillo ñeñt̃ pamo'tsna'tar pānnena ñeñt̃pa' e'ñe pocte' atet̃yeychen arr patsro. Ñeñt̃ō'mar ñeñt̃pa' gobiernocop o'ch cohuañpenan allohuen familias ñeñt̃ parro yechā'yenet.

Cotāpñats 17.

Ñamã allohuen acheñenesha' echenet derecho o'patetepa' ñeñt̃ ē'ñe ñocmuet, atet ñerra'm pa'paquell, po'patseñ, payara. Ñamã e'ñe pocte' o'ch o'pataprecha po'potantañ ñeñt̃ parrocmā taruasa'yenet.

Ñamã ama aprratam̃peshpahuoyaye e'ñe attā ñeñt̃ yo'patena ya atet̃ñerra'm yepaquell, yepatseñ, yayara.

Cotāpñats 18.

Ñamã allohuen acheñenesha' ama't erra'tsena acheñer echenet derecho o'ch cotāpe'chyenet ñeñt̃ ē'ñe cohuen entenet ñet pueyochireto. Ñamã allohuen acheñpa' echenet derecho o'ch po'yomporer peñet ñeñt̃ ē'ñe cohuen entenet ñet. Ñamã ñerra'm esempo muenenet o'ch po'poñet po'yompor-ret, ñeñt̃pa'chō'ña e'ñe ñocpuet po'derecho. Ñamã e'ñe pocte' o'ch apchia'yenet epuet po'potantañ ñeñt̃ parrocmā ame'ñenet. Ñamã e'ñe pocte' o'ch yechatyesan po'potantañ ñeñt̃ muenene' o'ch eñoteret ñamet. E'ñe pocte' o'ch etsoteñet ora attōch sherbeñet po 'yompor-ret.

Cotāpñats 19.

Ñamã allohuen acheñenesha' ama't erra tsena acheñer echenet derecho o'ch serrpare'tatanna'tyeset ñeñt̃ atet̃ cotāpe'chyenet ñet ñeñt̃ cohuen entyenet ñet. Amach e'moñe'taretēye attō yapa yoctēn añ derecho. Ñamã e'ñe pocte' o'ch e'nyenet attōch eñoteret erra'tsentē' cotāpñatser ñeñt̃ cohuen entyenet ñet. E'ñe pocte' o'ch agapyenet añ cotāpñatser pueychateña, ñamã e'ñe pocte' o'ch eñotachet po'potantañ ñeñt̃ atet̃pena añ cotāpñats. Ama't errotēnot eñotachet po'potantañ acheñ, ñeñt̃pa' e'ñe pocte' ama't po'quellcot āma't radiot mā't errotēnota. E'ñe pocte' o'ch chāpatyeset ñeñt̃ cotāpñats po'poñ anetso'mar.

Cotāpñats 20.

Ñamã allohuen acheñenesha' echenet derecho o'ch apchia'yenet ora allohuen ñeñt̃ parrocmā ame'ñenet ñerra'm e'ñe cohuen mueche't šerrpare'tanna'tyenet añ poctāpñet.

Ñerra'm esesha' ama muenenaye o'ch cotāpe'chet e'ñe parrocmā po'potantañ poctāpñet, ama pocteyaye ñerra'm po'potantañ po'huamencotētpa' o 'ch ame 'ñatateñet ñeñt ~ñet poctāpña.

Cotāpñats 21.

Ñamā allohuen acheñenesha' ama't erra'tsena acheñer echenet derecho o'ch cotāpe'chatyeset ñeñl pa'mčha'taretērneshet. Ñamā allohuen acheñenesha' ama't erra'tsena acheñer echenet derecho o'ch votet añecop ñeñtčha' sherbāts gobiernocop.

Ñamā allohuen acheñenesha' ama't erra'tsena acheñer ñeñt ~muenene o'ch taruasapretan gobierno allohuenet e'ñe attēcma echyenet derecho.

Ñamā erra'tsentē' cotāpñatser ñeñt ~cohuen enten acheñenesha' ñerra'm shonte' acheñ ñeñt~atet muenenet, atetčha' perra po'gobierno. Ñamā attōch eñochet este' po'ñoch muenen allohuen acheñenesha' eñalletepa'ch elecciones ama t errotēnotā; allcha' vota'yenet añecop ñeñt ~e'ñe cohuen entyenet ñet. Ñamā ñeñtpa' e'ñech a'nahua vota'yenet attōch po'potantañpa' amach errotēnot po'huamencotēye' votatenaneto ñeñt ~atet muenenet ñet. Ñamā allohuen acheñenesha' e'ñe pocte' vota'yeset añecop ñeñt ~cohuen entyenet ñet.

Cotāpñats 22.

Allohuen acheñenesha' ama't erra'tsena acheñer echenet derecho o'ch agapueñet seguridad social ñeñt ~atet yēnpuenanet po'gobierno ñerra'm esempo machayotā es pasahuet. Allochñapa' attōch amach tama penca'yeneto, e'ñech attēra cohuen orrtatyenet. Ñehua, ama't erra'tsena anetser a'poctatenan pa'cheñeneshar añ derechos ñeñt ~otenet seguridad sociales.

Cotāpñats 23.

Ñamā allohuen acheñenesha' ama't erra'tsena acheñer echenet derecho o'ch taruasa'yeset attōch gana'yeset quelle. Ñamā e'ñe pocte' erra'tsentē' taruas muenenet allcha'ña taruasa'yenet. Ñamā ñeñt~taruasatenahuē e'ñepa'ch cohuen apa'yesanet allcha' taruasatyesanet. Ñamā amuepa'ch huañapeseto po'taruaset attōch amach pallteneto quelle.

Ñamā allohuen ñeñt~attēcma taruasa yetset allponeshacmuetepa'ch gana'yenet quelle. Arepa'ch eñalle ñeñt ~ama amorrentaretēyaye.

Ñamā allohuen ñeñt ~taruaset atsa'tataretfetepa'ch allpon ñeñt ~poctetsa allochñapa' attōch cohuen yechā'yenet pamo'tseshohuen amach tama penca'yeneto puepallteñotēt. Ñerra'm allpon gana'yenet ama alcanseno attōch yora'yeset ñeñt~allpon pallta'yenet eñalletepa'ch seguridad social ñeñtčha' yenpa'yenahuē.

Ñamā allohuen ama't erra'tsena acheñer echenet derecho o'ch parrocmātet epuet sindicato ñeñtčha' moñenahuē ñeñt ~e'ñe ñocpueta all taruasa'yenet.

Cotāpñats 24.

Ñamā allohuen ama't erra'tsena acheñer echyenet derecho o'ch amesa'yenet

allpon horas ñamĩa allpon yet. Amach ellapenete'tẽ arepenete'tẽ taruasatset. Ñamã amesyesetepa'ch allponmat ñeñt ~vacación, atsa'tataretfetepa'ch ama't allponmat echenet vacación.

Cotãpñats 25.

Ñamã allohuen ama't erra'tsena acheñer echyenet derecho o'ch echyenet allpon attõch yechã'yenet cohuen arr patsro ama't pamo'tseshohuen attõch yora'yenet puerrar, pa'shtam, pa'paquellat ñamã attõch partatyenet ñamã attõch yenpa'yenanet po'potantañ pamo'tseshacño. Ñamã ñerra'm palltapesyenet po'taruaset alloch gana'yenet quelle echyenet derecho o'ch ayenparet̃et. Amapa' ñerra'm atсна'tyenet attõch ama taruaseneto allponmat echyenet derecho o'ch ayenparet̃et. Amapa' ñerra'm machayota atserrpenet, amapa' ñerra'm rretõrrnanesha' amapa' ñerra'm po'nme'ten amapa ñerra'm esempo es huapoya echyenet derecho o'ch ayenparet̃et.

Ñamã allohuen ñeñt ~achoyoreshai ñamã allohuen cheshaneshacño ñetpa' echyenet derecho o'ch acuam̃šaret̃yenet ama't ñeñt~ellopnanesha' ñamet.

Cotãpñats 26.

Ñamã allohuen ama't erra'tsena acheñer echyenet derecho o'ch estudia'yeset escuela. Ñamã attõch estudia'yeset escuela amach cobraneto ñeñt ~Primariacop. Allohuen cheshaneshash' atet añaret ñocpuet chocma estudienet Primaria, ñeñt ~obligatoria. Ñamã eñalletepa' escuelas allcha' estudia'yenet ñeñt̃cha' po'taruas penet ñamã eñalletepa' escuelas allcha' estudia'yenet estudios mas avanzados ama't añecop ñeñt ~atarr tõrretsa ñeñt ~atarr es eñotets.

Ñamã añecop sherben attõ yechateñet cheshaneshash' attõchcha' eñotyenet ñeñt ~atarr sherbets arr patsro attõch e'ñech cohuen eñotatyenan po'potantañ acheñenesha'. Allochñapa' attõchcha' amach muena'yeneto o'ch puerratam̃shanet po'potantañ po'derechos attõch mueroc̃htatanet. Cohuencha' yeñotatanna'tyena ama't pa 'namen acheñeneshay. Cohuencha' ya'huanten po'potantañ ñeñt ~po'poñ cotãpe'chyenet ñet. Ñamã chocmuepa'ch yamo'ts yepãna'tyena ama't pa'namen anetsoc̃ño all yeychã'yena, ama't pa'namen mereñtsorec̃ño ñeñt ~parro ye ñalletyesa, ama't pa'namen yeyomporer yepã'yen. Añecop yeychach cheshaneshash' cohuen attõch e'ñech cohuen torra'yerret ñamet añecop ñeñt ~cohuen enten Naciones Unidas allochñapa' attõch allohueney e'ñech cohuen mueche't yeychã'yena arr patsro.

Ñeñt ~chesha' ñeñt ~ama po'nena' pamo'mtepa' echenan derecho o'ch mueñanet erra'tsentẽ', escuela ñeñt ~cohuen enten pamo 'mte.

Cotãpñats 27.

Ñamã allohuen ama't erra'tsena acheñer echyenet derecho o'ch tõrra'yenet ñeñt ~atet~yechã'yenet ñet, ñeñt ~cohuen entyenet ñet. ñamĩa e'ñe pocte' o'ch cosha'yeñet po'taruas ñeñt ~coc̃ñesha' entyenet ñet. Ñamã ñeñt ~eñotyenet ñeñt~atarr sherbets alloch progresa'yenet científico'marecop, ñeñt pa' ñeñt̃cha' yenpuenahuet alloch ello atarr cohuen yechã'yenet arr patsro.

Ñamã ñerra'm esesha' yechicatene' ñeñt ~atarr sherbets allohuenacop atet

ñerra'm ñeñt ~cientifico'marecop amapa'ñerra'm libro ñeñt ~quellquënet
allohuenacpuet amapa'erra'tsen po'taruas ñeñt~atarr sherbets
allohuenacop, ñapa'echenan derecho attöch ganena quelle po'taruasot ñamã
echenan derecho attöch coshapreteñet po'taruas, amuepa 'ch
aprratam̃šaretñena po'derecho.

Cotãpñats 28.

Ñamã ora allpon derechos ñeñt ~aquellcaret ärr, allohuen ama't
erra'tsena acheñer echenet derecho o'ch e'ñe atet~perret. Ñeñtö'mar añ
pochtetsa patẽ'tets anetso orrtatyesetepa' pa'namen cohuen proyectos
attöch acheñenesha'pa' entyerret ora allpon po'derechos.

Cotãpñats 29.

Ñamã allohuen ama't erra'tsena acheñer echenan po'deberes
po'potantañecop ñeñtãra pamo'tsesha' ñeñt ãarro yechenet pa'netsro. Ñeñt
~deberespa' ñeñtãpa' atfo e'ñe cohuen yeyenpannena. Ñerra'm atet ÿeperra
e ne all yamo'tsesheshopa' e'ñech cohuen yeychen attöch yetsotuerr ñeñt ~
e'ñe cohuen puesheña'ttsocpay.

Ama't yechyeneñ shonte' pa'namen derechos ñeñtãha' yorrtatyen, tãrraña
amach añ yorrtatatsto ñeñt~attö errotüanen yepañ po'psheñeñ. Tãrrö'mar
ñeñtãpa' ama apãpahuoyaye ñeñt~atet öteney ley ñeñt~anaret.~Tãrrö'mar
ñerra'm errotüanen yepañ po'psheñeñpa' attöña yeprratam̃peñ ña
po'derechos. Tãrraña ñerra'm e'ñe cohuen yeyenpannena ñamã e'ñe mueche't
yeychena, ñeñt ãpa' ñeñt ã pochtetsa. Ñeñtãpa' chöcmach yorrtaten ñerra'm
yechen gobierno democrática all amãha 'tarettapreteñet allohuen
acheñenesha'.

Ñamã ama't shonte' pa'namen derechos yechyen ñeñt ~anaret ärr, yapa'
amach yorrtatatsto añ derechos añecop ñeñt ~ama pocteye' enteñe Naciones
Unidas. Añcha'ña yorrtaten ñeñt ~cohuen enten Naciones Unidas.

Cotãpñats 30.

Ora allpon derechos ñeñt ~aquellcaret ärr, ama't patrña derecho amach
ahuapore 'tpahuoyaye ama't errotëna.